

Seriya dijaloga – socijalna demokratija:

“Obrazovanje i vaspitanje”

Fondacija Friedrich Ebert organizovala je 26. juna okrugli sto na temu „Obrazovanje i vaspitanje“. U ovoj stručnoj diskusiji učestvovali su predstavnici visokoškolskih i školskih institucija regiona (Hrvatska, Srbija, Crna Gora, Slovenija BiH) koji su prenijeli iskustva svojih zemalja i analizirali socijaldemokratske koncepte modernog obrazovnog sistema, prilagođenog savremenim evropskim modelima.

Većina učesnika ocijenila je kako se sve zemlje regiona pa i Slovenija u obrazovnom sistemu susreću sa problemima tranzicijskog perioda te da ni u jednoj takozvani Bolonjski sistem obrazovnja na fakultetima još uvijek nije profunkcionisao u punom kapacitetu i obimu sa jasno definisanim ciljevima i rezultatima. Situacija u predškolskom, školskom i srednjoškolskom obrazovanju u svim zemljama puno je uređenija i pretpjela je manje izmjene sistema. Zaključeno je da bi u narednom periodu trebalo raditi više na obrazovnim konceptima koji će omogućiti sistem koji u najvećoj mjeri odgovara principima socijalne pravde i svima nudi jednake šanse.

Da bi se to postiglo definisano je nekoliko prijedloga na kojima bi trebalo insistirati, a koji bi omogućili sistem socijalne pravde i obrazovne dostupnosti:

- povećati sukcesivna budžetska izdvajanja uz bolju unutrašnju raspodjelu,
- usvojiti model finansiranja po učeniku uz još nekoliko specijalnih modela,
- omogućiti poreske olakšice za privatne firme koje finansiraju obrazovanje,
- bezbjediti besplatne udžbenika za one koji to ne mogu sami obezbijediti,
- povećati kvalitet podrške djeci uvođenjem instituta mentora,
- dodatna nastava,
- dozvoliti jezičku liberalizaciju na Univerzitetu u okviru Bolonje, da bi se uveo u potpunosti Bolonjski proces školovanja i
- u obrazovanje uvesti nove nastavne sadržaje (multikulturalne).